



Honori Doctoreo Viri Clarissimi D. Laurentii Bolhagen Gryphiswald.

Pomer.

Ienae

Schro#ter, Moritz

P 2° 00143 (01,098)

https://dhb.thulb.uni-jena.de/receive/ufb_cbu_00007606

urn:nbn:de:urmel-92bc1b48-946d-479a-a86e-e192ce44b4c52-000069823

Lizenz: <https://creativecommons.org/licenses/by-sa/4.0/>



HONORI DOCTOREO
VIRI CLARISSIMI
D. LAVRENTII BOLHAGEN
GRYPHISVALD. POMER.

BOLNHAGI Themidos decus immortale jubarque,
Suprà vulgarem qui cupis esse gregem,
Quid tibi cum nihili re, cum Doctoris honore,
Vilia sunt isthæc nomina, vilis honos,
SCÆVOLA (sed quantus,) non istos novit honores,
Non famam hoc titulo PAPINIANVS habet,
Non fuit hæc CAIO tam firmi nominis ansa,
Non talis LABEO nominis omen amat,
Fama MODESTINI non hac se venditat arte,
Non PAVLLI his pennis effugit umbra rogos,
Non hoc se titulo illustris DOROTHEVS ornat,
Nec Iuris Doctor TRIBONIANVS avet.
Quisque suâ nixus virtute vel arte, perenne
Nomen & æternum promeruere decus:
Talia non animo BOLNHAGI obvoluis, & æquam
Iudicij prudens exigis ad trutinam?
Nimirum antiquis antiqua relinquere sensa,
Et satius patrio vivere more putas,
Cumque tibi poscunt quæcunque statuta peractis
Iam liceat vitâ liberiore frui,
Atque vel vxoris iucundis immori ocellis.
Arma vel oppresso per fora ferre reo,
Et tibi ad utrumvis sit prompta occasio, & omni
Tempore tam certi prosteret honostituli;
Pergis, & emeritum nescis differre triumphum,
Atque iterum Themidis sub sacra lacra redis.
Crede mihi officient magno tua talia Baldo
Nomina, & effugiet sic tua fama rogos.
Iasonis & famæ vestigia juncta tenebis,
Et tibi concedet gloria vera Themis.
Tramite tu cepto modo pergere pergito, nec te
Deserat æthereus, qui fuit usque, favor:
Sic mihi BOLNHAGI hoc concedes laudis, ut in te
Veridico vates ore fuisse ferar.

M. Mauric. Schröter.

J E N Æ Typis Tobia Steinmanni,
Anno M. DCI.